

Caspar March

Programma Quo Universitatis Rostochiensis Rector Caspar March/ D. Med. & Math. Pr. P. Ad cohonestandas Exsequias quas ... Catharinae Rahnen/ Coniugi suae desideratissimae Vir ... Martinus Köller/ I.U.D. Hodie ... paratas cupit, Omnes omnium ordinum cives Academicos ... invitat ... : [P.P. Sub Sigillo Academiae die 14. Iulii Anno 1664.]

Rostochii: Kilius, 1664

<http://purl.uni-rostock.de/rosdok/ppn77678210X>

Druck Freier  Zugang



March, C.
in
C. R a h n e .

Rostock, 1664.

8.

PROGRAMMA

Quò
UNIVERSITATIS ROSTOCHIENSIS
RECTOR

CASPAR *March* / D.

Med. & Math. Pr. P.

Ad cobonestandas Exsequias
quas

Honestissima omnique virtutum genere ornatissima

CATHARINÆ

RUBELI

Conjugi suæ desideratissimæ

Vir Amplissimus & Consultissimus

DN. MARTINUS *Röller* / J.U.D.

Hodie horâ primâ in Æde Marianâ paratas cupit,

Omnes omnium ordinum cives Academicos eâ quâ
par est humanitate invitat.



Conventus fiet in Æde Jacobæâ, horâ 1. p m.



ROSTOCHII,

Typis JOHANNIS KILII, Acad. Typogr. Anno 1664.

I. N. J. C.



Aut equidem citra egregium Ingenii acumen Sapientes olim *Hominem* dixerunt *Exemplum infirmitatis, præadam Temporis, Fortunæ Ludum, miseriæ omnigenæ compendium.* His quippe allegoricis appellationibus ingeniose expresserunt fragilem, fugacem, inconstantem satisque miserabilem vitæ humanæ conditionem: ast comparari hæc dictorum humanorum acumina nullatenus merentur isti comparationis elegantia, quam ex Spiritus S. dictamine Psalter Regius (Psalm. 103. v. 15.) protulit: *Homo, iniquiens, est sicut flos campi.* Neque enim videtur ulla similitudine rectius, pleniusque exprimi posse *Humani generis* tum *Ortus*, tum *Præstantia* & *Utilitas* longè maxima, tum juncta simultantæ excellentiæ post lapsum miserrimum deploranda *fragilitas.*

Ortum Flos omnis, quæ materiale sui principium *Terræ* debet: Productum *ex terrâ* primitus *Hominem*, ex sacra Creationis historia novimus, quod materiale posteris in universum omnibus inhæret, ut verissimè de unoquoque pronunciaverit Divina veritas: *Terræ es & in terram iterum converteris.* *Productio Florum* ex semine minutissimo abjectissimoque *mirabilis* omnino est, & citra infiniti Opificis concursus nequaquam possibile: *Generationem Hominis* attentius qui pensaverit,

rit, quis admiratione aut stupore dignam eam non agnosceret? cū ex principiis tam vilissimis & excrementi speciem præ se ferentibus nasci constet tam nobile animal, & vel divinitatis cujusdamparticeps. Est prætereà *Floribus* omnibus & singulis sui generis *præstantia* eximia, vel *Elegantiâ* præcipuè, vel *Usu* simul excellentissimo commendabilis: Est pariter *Humani generis* dignitas in universum nobilissima, & quamvis *utilitate* in publicum alius præ alio se passim commendet, vel sola tamen *formâ* cæteris animantibus longe *excellentiore* omnes & singuli Creatoris sapientissimi luculentissimum exhibent argumentum. *Flores* plerique in vigore aliquandiu permanentes, novum subinde cœlitus alimentum nacti, citra sui dispendium *succum* largiuntur *apibus*, dulcissimi mellis principium; nec *apibus* solum frugiferis, sed *vespis* etiam & *araneis* suum largissime suppeditant nutrimentum: Sic *homines* quoque & *melioris præsertim indolis*, quique sentiunt & agnoscunt se bonis quotidie à Deo Ter Optimo quàm cumulatissimè ditari, liberalissimè *dotes* *bonaque sua* impertiunt aliis, & fere sine discrimine, digni satis an minus, & sive amici sint, sive inimici; cum idem divinitus fieri etiam indignissimis & DEO eheu! inimicis animadvertant. *Flores* denique ut plurimū *finem*, in quem conditi imprimis ac destinati à Deo sunt, non consequuntur, dum germinant florentque, sed ubi avulsi à stipite & vegetativa orbatività, vel *torculari*
subjecti

Subiecti succum exhibent conservandæ aut reparandæ
sanitati Hominis (cujus gratiâ facta sunt omnia) profi-
cium; vel *exsiccati & comminuti*, totâ quasi substantiâ
suâ eidem scopo inserviunt: *Finis* creati Hominis est
Gloria Dei; at verò hanc vix quisquam amplificat,
dum carnalem vitam vivit, sed ubi à *Carne* quasi avul-
so sub *Crucis torculari* exprimuntur salutares *Lacrymæ*,
& preces devotissimæ, quibus quàm maximè dele-
ctari ac glorificari Sacro - Sanctum Numen novimus;
aut ubi igneis *tentationum flammis* aliquandiu *tostus*,
totus quasi *exaruit*: in ista enim summâ animi abjecti-
one, totâ velut substantiâ suâ, quâ Corpus & Animam,
in holocaustum aliquod Deo sese offerunt consecrant-
que electi Dei filii.

Non minùs denique *Fragilitas & variabilis fugax-
que humana vitæ conditio* ex hac *Florum* similitudine e-
lucescit. Sunt *Floribus* statâ & non nisi *brevissima vi-
goris sui tempora*: sunt & *Nato ex muliere Homini vitæ
tempora brevissima*, Scripturâ & *Experientiâ* quotidi-
anâ testibus luculentissimis. *Variat* in horas *Florum*
amplissimus splendor & elegantia: Oriente enim Sole
plerique semet expandere, & insitum ornatû omnem
ostentare incipiunt, occidente eodem contrahuntur,
& quasi flaccescendo ponunt nitorem solitum: In
Homine parilem experimur *inconstantiam*. Quoties
lætior *Fortuna* instar amœnissimi *Solis* ipsum fovet, ac
reficit, vah! quàm non cristas erigit, suæque felicitatis

tis splendorem passim diffundendo superbit! Ast ubi
Nox Crucis & miseriæ imminet, mox animum despon-
det, flaccescit, & tantum non emoritur, nec Vires fa-
cilè resumit, nisi vivificis Divinæ gratiæ solaminisque
radiis deinceps fuerit illustratus. *Flores multiplicibus*
subjecti casibus, *incerta sunt durationis, variusque mo-*
dis eorum Vigor extinguitur: Modò pedibus conculcan-
tur, modò ardenti Solis æstu exuruntur, modò gran-
dine, procellis, turbinibusque discutuntur, aut manu
sibi violentâ discerpti pereant subito: Manent & *Ho-*
mines Casus innumeri: Sæpe qui singulari splendore
emicat, mox validiori potentiâ quasi conculcatur; Ali-
um ardens exurit Febris, alium Catarrhi Flatusque pe-
rimunt; quàm innumeros violenta manus enecat?
Uti adeo constet manifestissimè, vix ullam in Naturâ
rem existere, cum qua *Hominem* rectius pleniusque
quam cum *Flore* comparare liceat, aut magis expediat.
Atque hæc omnino præfari par visum fuit occasione
fat lugubri oblatâ, dum iusta funebria persolvere tene-
mur elegantissimo quondam Fœminei Sexûs *Flori*,
multivario tum animi, tum Corporis decore exquisi-
tissimè nobilitatæ CATHARINÆ RHANIÆ, Viri Consultis-
simi & Excellentissimi; DN. MARTINI CÖLLERI, J. U. D.
Conjugi eheu! desideratissimæ, cujus Profapiam no-
bilem, brevem sed piissimam vitam, mortemque pla-
cidissimam nunc porro juvat exponere.

Nata ea est in hac celeberrima Musarum sede Rostochiô
Anno 1639 die 20 Maji hor. 2. matutinâ Parentibus religio-
ne

ne pietateque Christianâ devotissimis. *Patre*, Nobilissimò,
Amplissimò atque Excellentissimò Virò Dn. HENRICO
Khanen. J. U. D. & Professore quondam hujus Universita-
tis, nec non Ducalis Consistorii Assessore meritissimò: *Ma-*
tre; natalibus propriisque virtutum ornamentis clarissimâ,
ELISABETHA von der Lippen. Non defuit ergò desideratis-
simâ, quam lugemus, etiam splendidissimorum Majorum
haut adspernenda felicitas. Nacta quippe fuit *Avum Paternum*,
Virum Nobil: Ampli & Consultissimum, ejusdem-
cum Patre nominis, HENRICUM Khanen / J. U. D. in Du-
catu Brunsvicensi Practicum dexterrimum, pòst Syndi-
cum Helmstadiensem, ac denique Serenissimæ Viduæ Prin-
cipis Luneburgensis in Winsen agentis Consiliarium gra-
vissimum. *Aviam Paternam* Matronam nobilissimam CA-
THARINAM Reichen. *Avus Maternus* nascendi felicitate,
illi contigit Magnus ac Nobilissimus Dn. CHRISTO-
PHORUS von der Lippen / Illustrissimi Ducis Curlandiæ &c.
primùm Consiliarius, paulò pòst S. Reg. Maj. SOPHIÆ Re-
ginæ Daniæ &c. ultimò autem Sac. Reg. Maj. Daniæ, Dn.
CHRISTIANI, Regis Daniæ, &c. Christianissimæ memoriæ
Consiliarius intimus & Cancellarius longè meritissimus.
Avia Materna fuit Matrona honestissima MARGARETA
Heermans. *Proavos*, *Proaviasque Paternos* habuit Virum Spe-
tatisissimum, suæ Civitatis Neobrandenburgensis Civem,
itidem HENRICUM Nahnen / ejusque Conjugem lectissi-
mam MECKEL Baden / ut & Virum Amplissimum ac Con-
sultissimum, Dn. BARTHOLDUM Reichen / Phil. Magi-
strum, Acad. Lipsiensis Profess. P. paulò pòst autem Bono-
niæ in J. U. D. creatum, ac in patriam reducem, Seren. Duc.
Brunsvicensis & Lunæburgensis, Dn. GEORGII Junioris
Consiliarium, bis ad S. R. Maj. Poloniæ &c. Legatum, ac
tandem Collegii S. Blasii, quod Brunsvigæ fundatum est,
Decanum gravissimum; ejusque Conjugem, Fœminam
suâ

suâ ætate clarissimam CATHARINAM Röniken, *Proavos, Pro-*
aviasq; Maternas habuit Dn. HENRICUM von der Lippen/Ci-
vem Rostochiensem famigeratissimum, Viri Nob. atq; Am-
plissimi Dn. BERNHARDI von der Lippen/ Cancellarii Illu-
strium Comitum Lippensum &c. filium. *Proaviam* genere
virtutibusq; ornatisimam ELISABETHAM Gerdes/ THO-
MÆ Gerdes/ Consulis olim Rostochiensis Clarissimi filiam
Denique Virum Integerrimum Dn. JOHANNEM Heerman/
Civem Rostochiensem, Amplissimi Dn. NICOLAI Heermans
Senatoris hujus urbis meritissimi filium, & Virtuosisimam
fœminam WIBKE Gretemans.

Hiscæ Majoribus ac Parentibus Christianis, optimèque de Republica-
tùm literaria, tum Civili meritis prognata cum esset, anxiam statim Parentes
Optimi curam adhibuerunt, uti Christianis Sacris per fontem regenerationis
initiata, Veræ Ecclesiæ mysticique Christi Corporis membrum redderetur.
Post teneram ætatem in ædibus Paternis, jactis veræ pietatis fundamentis &
virtutum, quæ fœmineo sexui ornamento sunt, multiplici generi sensim adve-
scens, usque nubiles ad annos exegit! Quos ubi assequuta fuit, cum non mi-
nus animi quam corporis dotibus instructissima nulli facile palmam conces-
sura videretur, procos facile invenire potuit dignissimos; singulari tamen Di-
vini Numinis providentia ac benignitate factû est, ut sociale cum eâ matrimo-
nii fœdas primus inierit ipso 29. die Novëb. A. 1655. Vir Consultissimus & Ex-
cellentissimus Dn. HIERONYMUS Röck/ J. U. D. Eruditione & mirâ Mo-
rum suavitate commendatissimus ac nulli non amicissimus. Quæ felicissima
tam minimè disparis Paris conjunctio, & clarissimarum familiarum affini-
tas quantam bonis omnibus læticiam conciliârit, nôrunt, qui ardentissimas
pro Neogamorum salute preces tum temporis profuderunt. Ac putabatur
jam KOCHIUS noster Virtutum ac Doctrinæ indies cum ætate incrementa-
sumens, patriæ pomæriis insertus, ejusdem saluti velificaturus? Ast heu! mise-
ram vitæ humanæ conditionem, constantem in inconstantia, & in solâ mutabi-
litate immutabilem! Solutum est hoc concors quodque faustissimum passim
omnes deprædicabant conjugium, morte KOCHII nostri elegantissimi, tertio
post inchoatum Annum 1657 die, relicta non nisi unicâ patriarum virtutum,
hærede filiola, paucos tamen post genitorem annos, præmaturô fatô, non
sine ingenti Matris Viduæ cordoliô pariter occumbente. Quantum hæc scis-
sura dolorem pepererit Beata nostræ, nemo rectius djudicabit, quam
qui

qui conjugalis amoris vim ac teneritudinem ipsemet satis expertus est & indi-
 viduum hujusmodi vitæ comitem fatò præreptum sensit. Testata ea est con-
 stantem post acerbissima hæc suorum funera mœtorem viduitatis diuturnita-
 te, ultrâ quadriennium extensâ. Verùm cum vigor animi corporisque in ju-
 venili ætate egregius ipsi constaret, ac singulari Dei providentiâ Vir itidem
 Consultiss. & Excellentissimus Dn. MARTINUS COLLERUS J. U. D. nunc
 viduus mœstissimus secundis votis omninò destinatus videretur, seque hone-
 stissimè ab eò ambire ipsa animadverteret, non potuit illa castis ejus desideriis
 non deferre, unde huic denuò nubens An. 1661. die 28. Aug. solemnè Christianorù
 ritu juncta fuit; Quò cum tranquillum equidem, Deoque minimè displicitu-
 rum, cœterum breve nec sine iterata cruce matrimonium egit: Ter etenim
 grava, ter infelix mater, ter liberos exanimas ingenti mœtore enixa est. Et
 certè vix ulla verior præmaturæ mortis causa allegari poterit quàm quod toties
 desideratæ vivæ prolis spes eam frustrata fuerit. Suborta enim erat huic nun-
 quam satis laudandæ Fœminæ post nuperum cheu! ultimum tristeque puer-
 perium insolita quædam Corporis indispositio, quam mœror animi, latitans-
 que dudum in corpore scorbutica malignitas sensim adeò adauxerat, ut 29.
 Junii, quò pia *Petri Paulique* publicè recolebatur memoria, decumbere co-
 acta fuerit. Subesse tum animadvertimus Febrem, non equidem ardentem
 valdè, cœterum magnitudine Symptomatum (quæ erant anxietas per inter-
 valla affligens, inquietudo summa & incorrigibilis, Viriumque magna pro-
 stratio) vel initiò statim suspectam; Cui malo debellando & corrigendo etsi
 ipsemet ego, in Consilium adhibitus, omnem debitâ fide operam impenderim,
 egregiaque tum ordinata, tum obsequiosè assumpta applicataque fuerint medi-
 camenta, plus tamen istud Arte valuit. Unde id animadvertens Beata nostra,
 dispositis rebus suis, voluntati Divinæ suam plenissimè resignavit, precibus-
 que piissimis animam Deo commendans, post devotissimum Sacræ Cœnæ u-
 sum, eventum præstolata est, qualem concessura esset Divina benignitas, quem
 etiam tandem experta est felicissimum, quando quidem die 7. Julii, instante
 ferè noctis medio, placidissimè ei datum fuit quasi indormire, & ex ærumnosâ
 hæc in æternam vitam, faustissimâ commutatione, transmigrare.

*Supereest, Cives honoratissimi, uti in honorem ultimum piissima, majoraque
 abundè merentis Defunctæ. & solatium Vidui, in hæc tantâ animi egritudine ejus
 certè indigentissimi, frequenti comitatu exequias hæcæ cohonestemus, nostrum si-
 mul super luctuosissimò hujus florentissimæ Matronæ obitu dolorem, & erga mœstif-
 simum Viduum familiamque amplissimam affectum benevolentissimum contestaturi.*

P.P. Sub Sigillo Academiæ die 14. Julii Anno 1664.



suâ ætate clarissimam CATHARINAM
 aviasq; Maternas habuit Dn. HENRI-
 vem Rostochiensem famigeratissim-
 plissimi Dn. BERNHARDI von der
 strium Comitum Lippensium &c. 1
 virtutibusq; ornatisissimam ELISABE-
 MÆ Gerdes / Consulis olim Rostoc-
 Denique Virum Integerrimum Dn.
 Civem Rostochiensem, Amplissimi
 Senatoris hujus urbis meritisissimi fil-
 fœminam WIBKE Gretemans.

Hisce Majoribus ac Parentibus Christian-
 tum literaria, tum Civili meritis prognata cum
 Optimi curam adhibuerunt, uti Christianis Sa-
 initiata, Veræ Ecclesiæ mysticique Christi Co-
 Post teneram ætatem in ædibus Paternis, jacti-
 virtutum, quæ fœmineo sexui ornamento sunt
 scens, usque nobiles ad annos exegit! Quos u-
 nus animi quam corporis dotibus instructissi-
 sura videretur, procos facile invenire potuit di-
 vini Numinis providentia ac benignitate factu-
 nil fœdas primus inierit ipso 29. die Novêb. A.
 cellentissimus Dn. HIERONYMUS Koch / J-
 rum suavitate commendatissimus ac nulli non
 tam minimè disparis Paris conjunctio, & c-
 tas quantam bonis omnibus læticiam concilia-
 pro Neogamorum salute preces tum tempor-
 jam KOCHIUS noster Virtutum ac Doctrinæ
 sumens, patriæ pomariis insertus, ejusdem salu-
 ram vitæ humanæ conditionem, constantem in-
 licitate immutabilem! Solutum est hoc concor-
 omnes deprædicabant conjugium, morte KO-
 post inchoatum Annum 1657 die, relicta non
 hærede filiola, paucos tamen post genitorem
 sine ingenti Marris Viduæ cordoliò pariter oc-
 sura dolorem pepererit Beatæ nostræ, neq;

PROAVOS, Pro-
 er Lippen/Ci-
 ob. atq; Am-
 cellarii Illu-
 biam genere
 rdes / THO-
 issimi filiam
 M Heerman/
 Al Heermans
 tuo lissimam

de Republica
 statim Parentes
 n regenerationis
 rum redderetur.
 fundamentis &
 eri sensim adve-
 nit, cum non mi-
 palmam concess-
 gulari tamen Di-
 um eâ matrimo-
 ultissimus & Ex-
 one & mirâ Mo-
 Quæ felicissima
 amiliarum affini-
 qui ardentissimas
 t. Ac putabatur
 ate incrementa-
 ? Ast heu! mise-
 & in solâ mutabi-
 lissimum passim
 gantissimi, tertio
 arum virtutum
 aturò fatò, non
 quantum hæc scif-
 dicabit, quam
 qui

